

四庫全書

集部

欽定四庫全書

集部

西河集卷一百三十三

詳校官編修臣曹城

助教臣常循覆勘

總校官庶吉士臣倉聖脉

校對官編修臣范表

謄錄監生臣張誠智

欽定四庫全書

西河集卷一百三十二

翰林院檢討毛奇齡撰

填詞二

浣溪紗

碧玉蒲芽短短針
雀羅波底刺當心
拔蒲歸去水滢滢
檝染綠苔疑掩袖
幔漂紅露似湔襟
晚風吹轉北塘

深

其二

溪女粧成出若耶
芹絲萍蔓逼流斜
青苔石上浣新紗
愛把單鬟梢竹葉
羞將雙臉近荷花
緹油前覆夜來

車

其三

軟綠江波鴨子清
日遲游女遍江城
紅橋度燭緩相迎
細馬隔裙穿鐙子
平船素手撥簾旌
大堤春日往來

情

其四

嬌女新妝村艷濃
四枝鬢挿石榴紅
出門還怕隔溪風
石鏡暗飛山後鵲
荻屏銷盡水邊蕩
西施臺館碧波

中

其五

綠滿南園乳雀栖
重花疊葉不通飛
小姑獨出採薔薇
珥底珠兒徒刺臉
帶穿貝子恐磨衣
行行立立自尋

思

其六

叢髻輕籠象格紗
麴塵巾縹翳朝霞
愁聽江閣按紅牙
簪管枉鉸銀蓋葉
繡牀空釘白團花
游絲飛絮近天涯

其七

水繞空江葉繞枝
竹郎橋畔豆娘祠
佳人邂逅最堪思
燭近只將遮幔子
風前長自斂衫兒
梨花初落酒闌時

巫山一段雲

篠壁含烟澹椒花滴露稀風吹細雨曉雲低十二碧峰
迷 神女祠前泪清猿峽裏啼瞿塘新水麴塵微行客
自依依

其二

寒雨蘿衣濕晴雲蕉帔開空舸峽下近陽臺誰向夢中
來 叢笛江妃廟孤舟新婦隈山花石竹不須栽看作
小姑釵

女冠子

上元少女誰授玉函金宮倚香壇畫帔藤花淺瑠鐘橘
乳寒 南宮除牒子北斗動播干猶見春歸燕似青鸞

其二

玄都清曉坐間碧堂紅草女仙家玉鉛量星且金鏡煮
雪花 駐顏丹作粉繫肘籙垂紗浼浼溝頭水盡胡麻

其三

上清仙夢恍到十三春洞玉顏紅月下隨王母花前別

甯封 黃神潛解佩赤鳥緩弛弓稱名多誤聽為呼儂

其四

仙房寂寂戲採瑤林珠寶是何鄉紅尾梢花犬青衣覆
石羊 鮫絲裁綬短鵝管呷笙長倘得逢燕使問昭王

其五

平明受事堪惜玉笋初侍小茅君薄霧籠青鬢輕烟曳
縑裙 鳳銜琪樹蓋虬使玉堂雲恐逐童男去思紛紛

其六

碧簫初弄暗想秦樓雙鳳幾多情玉鉞分蘆節金箱貯
棗錫 蕉花含秘閣松影落層城誰搥元霜盡見雲英

其七

短花長葉到處翠輶相接洞中春衣炷熬丹錫脣脂淪
水銀 盤囊閒繫虎麈尾笑遺人總隔蓬萊路也生塵

其八

金巾姣好長佩玉砂瑤艸受清虛粧鏡殲山鬼香奩檢
道書 細眉遮羽蓋素手滌仙厨每當三五夜望蟾蜍

其九

赤城紫府閒貯元瓏妃女小仙才節擁藍絲葆冠抽綠
玉釵蜂房融日粉蝶夢遶天涯何事劉郎去不歸來

山花子

蟬翅宮綃傅體寒琵琶掩面夜歌闌插得鈿頭新撥子
是紅蠻隔舍紫姑星會淺開門烏白雨啼殘曾卜金
錢今始驗拆和單

其二

小院風搖九子鈴
臨河長對特牛星
欲上玉機愁杼短
織難成
擲縷燭翻嬌鳳出
縈絲泪盡濕花生
誰道錦文無樣子
看廻程

春曉曲

小屏山上西江曲
深處落梅寒簌簌
曉鑑菱開赭粉紅
殘燈穗卷香脂綠
艸頭堦剗襪衩
金花裏碧鈎旂勝
玉繞鳳雙簧蠟炙
新蚤春驚破霜溪竹

菩薩蠻

含桃着雨花如雪井邊吹落春雲葉鸚鵡結釵樓新娘
半上頭 裁衣繙樣子壓線盤金筐十五小裙腰能留
線幾條

前調

山雞栖罷烏啼樹迎人燒盡柑紅炬複鑰下銅魚車前
一憶除 禡花嘗對縫羞見雙鴛控漸減玉鑪烟人眠
故未眠

前調

宜城二月鶯啼蛩羅敷十五雙
鬟小錦帶約柔鉤使君
南陌頭 連錢嘶日暮共返宜城渡
莫是看羅敷羅敷
自有夫

前調

輕雷鹿鹿宮車轉晚涼偷弄邠王管
雙甲小蟻蚋黃鸝
處處啼 春風吹欲遍盡作西清怨
暗裏換歌頭伊州
似石州

前調

一株柳樹千條葉桃根巧向梅根接花塢暗相通新花
隔幾重 寶函春信香水漫紅魚小半格軸頭絲環環
無盡時

前調

日黃不上粧山面露圓難綴珠簾線種得鬱金花將來
浸木瓜 枕屏山六扇上有江南岸盡是吳關關前
人未還

河瀆神

楚雨歇殘陽滿庭新月瀟湘松花濕影墜山黃帝女花
竿廟旁 瑤瑟洞簫來極浦風吹桂酒椒漿夜半烟寒
翠斂幾人能上高唐

其二

丹殿俯嵯峨洞庭秋水湘娥深房鬼火暗青蘿嗚咽神
絃自歌 文木漆光絲纏腹蕉花影裏娑娑祇為相思
美子燈前一斂雙蛾

採蓮子

風起蓮江縹綠羅

舉棹

竝船歸唱採蓮歌

年少

畫屏只

見金鷓鴣

舉棹

不信雙雙水鳥多

年少

細萍點點釘花

船

舉棹

荇線飄飄縛畫竿

年少

折得小蓮羞並蒂

舉棹

紅靴鈎入錦裙邊

年少

更漏子

棗屏深樺燭冷複壁照人雙影魚墜管獸銜環一牀衾

枕單更漏咽樓頭月偏射小牕明蛤紅幕掩鵲橋低

銀河又向西

其二

小檀槽新捍撥彈就夜堂秋月銀箭斷玉釵涼燭槃紅
泪長寒角動霜風送驚起金微殘夢關戍析女郎砧
城南秋漸深

其三

慢鈎繩複斗穗寒夜美人半睡雲掩絮月朧明枕函亭
釧聲蠶燭耀飛蛾遶門外烏啼難曉燔蕙爐隱紗籠
呆愚劃碎紅

其四

剪鮫絲量獸錦寬窄燈前自審鈿尺短錯刀殘晚來多
少寒 園霧薄林花落水面星搖池閣山犬吠艸蟲鳴
曲房魂暗驚

其五

井梧陰庭樹暝寂寂畫欄人靜蠟子焰蟹衣筐隣家夜
續涼 芭蕉露零如雨記得暗中歡去宵漏盡曉鐘催
碧牕殊未來

木蘭花令

曉鶯昵昵流粧閣日上燭吹紅繡幕東將方帶玉芙蓉
裏就半鞦銀芍藥尋花露冷膩脂薄花底暗翻釵子
落誰開鴛鴦錦抱輕雲誤使丁娘枕前索

小重山

春殿香銷鎖碧空夜涼宮漏悄咽銅龍銀河瀉地水滌
滌粧初洗殘粉膩溝紅雙鳳宿梧桐小桃金井上露
華濃長門枉自閉重重珠閣迥時拂玉堦蟲

其二

芳艸茸茸翠輦遲
昭陽初日影散彤墀
銀燐綵勝戴雙
纜金錯小翦出萬年枝
御苑落花時
祠前祈百子
漢家池承恩
唯有臂紅知
中宵夢頻起
視膳脂

其三

黃帕銜鼇結象牀
捲衣長拂面
侍君王
衫襟深惹御篝
香綃幃影隱隱見鴛鴦
別院罷霓裳
衆中新賜著殿
頭黃年來獨繫絳紗囊
江南路四十杜秋娘

其四

鷓鴣高翹負日溫
春冰融太液
細流渾嬾調
黃子漬香
蓀羊車近竹葉滿金盆
十載見承恩
踏青隨例出望
春門却收銀鑰
暗銷魂
梨花落深殿
又黃昏

喜遷鶯

榆葉裏
棟花前
燒盡白礬烟
嬌龍自走
不須鞭
最喜是
鶯遷
歌羽歌舞羽
舞人在掌中
飛去霧絲
裙子本蹁
躑何處
更留仙

其二

杏花北曲江西殘雪尚依依
輕輪輾絮著人衣
拊馬夜歸遲
蓬宴遙蓮漏淺紅燭萬條深
院曉來唯聽乳鶯啼
移上綠楊枝

臨江仙

澧浦紅蘭開日暮
美人徙倚空亭
幽巖春竹雨冥冥
長思公子愁絕翠雲屏
碧水尚傳瑤瑟怨
棖棖夜鼓湘靈
蒼梧南去晚山青
楚江遙客憔悴不堪聽

前調

秋藕絲裙春樹面
龍安寺裏為家時
來空館倚欄斜欄
前新水日日浸桃花
素手自撩金索動
腕繩輕約紅
紗東風相見各天涯
道傍愁思散作日邊霞

前調

高閣近花紅影合
繞牀還種青梧
西施嬌小似無夫
黃金梯滑不見有人扶
菱葉菱根遮浦暗
含情但採菖蒲
金閨門外夜啼烏
女墳前去寒燭照東湖

前調

晚渡潮生野火靜叢祠深對江波垂鬟接黛一青娥寶
冠珠絡花帔貼銀鵝 估客往來爭禱賽隔船吹鳳鳴
鬣山低如帶水如羅螭頭黃絹隱隱畫雙螺

前調

睡架茶蘼紅刺軟霧中恍蔽輕紈幾番覓釧坐花間香
山未煖石炭擣烟寒 薄絮裝衣紫背胛空懸碎凍金
環武溪雪淨尚征蠻杜鵑聲杳莫是未教還

竹枝

十二峰前

竹枝

十二灘

女兒

嘈嘈急水

竹枝

渡來難

女

兒

瞿塘看似

竹枝

桃花馬

女兒

只少裝成

竹枝

八寶鞍

女兒

錦江春水

竹枝

白浮浮

女兒

擔水嬌娘

竹枝

踏水

愁

女兒

洗面好來

竹枝

清溜裏

女兒

洗足當尋

竹枝

濁

浪頭

女兒

雙帶子

紅藕香銷暑殿涼
玉梭橫枕墮釵長
東樓賦得新來怨

中夜看沉龜甲黃 黃甲龜沉看夜中 怨來新得賦樓
東長釵墮枕橫梭 玉涼殿暑銷香藕紅

其二

君在教頭歌昔昔 妓看垂手落摻摻 裙襴半將遮屐點
柘竿長是拄腰纖 纖腰拄是長竿柘 點屐遮將半襴
裙摻摻 落手垂看妓 昔昔歌頭教在君

其三

樓高是處盡烏啼 柳外烟同翠眼迷 流水落花春寂寂

浮家一檻近前溪
溪前近檻一家浮
寂寂春花落水
流迷眼翠同烟外
柳啼烏盡處是高樓

其四

春缸玉酒細鱗紅
怨鳥啼花隔數重
銀子蒜垂簾押靜
新開背面兩鸞籠
籠鸞兩面背開新
靜押簾垂蒜子
銀重數隔花啼鳥
怨紅鱗細酒玉缸春

其五

誰向粧亭亭後別
望中烟雨帶帆開
綠回漫水藍如襖

黛繞橫山青似煤 煤似青山橫繞黛
襖如藍水漫回
絲開帆帶雨烟中望別後
亭亭粧向誰

其六

紅荷短間白荷長
細細風來細細香
濃露滑篙聯艇側
同來到處問家鄉
鄉家問處到來同
側艇聯篙滑露
濃香細細來風細
細長荷白間短荷紅

其七

寒雨江汀隔斷橋
去時當似不來潮
蘭浦憶人愁渺目

漫漫夜夢合花梢
梢花合夢夜漫漫
目渺愁人憶浦
蘭潮來不似當時去
橋斷隔汀江雨寒

其八

鳩浮白水踏歌虛
髻捋蟲珠雀畫樓
上捲裳龍女侍
溝前御宿卸粧初
初粧卸宿御前溝
侍女龍裳捲上樓
樓裾畫雀珠蟲捋
髻虛歌踏水白浮鳩

甘州遍

青槐路迤邐
返長楊暮雲翔
銀魚立
胛金鵝仗帶曾騎

黃馬射黃羊 歌肆側酒壚旁
調鷹牽犬歸去愁殺羽
林郎花刻帽往往賭毬場
暗風揚薰衣透縷隔巷細生
香

其二

金槌去長策棗紅騮
五陵遊純鈎蒯繞縵胡纓
曲水梢獵獵似星流
兄執戟弟長秋射飛逐
沒嘗見便殿賜衣裘
年正少花發醉娼樓
錦纏頭幾行歌舞一曲遍
甘

州

其三

甘州遍羌笛又將殘聽聲寒黃花碎葉凋戈鐵馬茫茫
飛雪滿燕山 邊角靜戍衣單紅閨萬里夢斷都護請
生還雁帛遠風急墮旌竿望長安甘泉鏡吹何日達蕭
關

其四

秋風起展轉事長征出邊城彎弧鵲角佩刀犀首趨趨
斥突願擒生 收勅勒捲攬槍夜涼頻擊刁斗空磧答

遙聲轉戰苦車騎未成名塞魂驚琵琶孤塚春艸日青

青

西河集卷一百三十二

欽定四庫全書

西河集卷一百三十三

翰林院檢討毛奇齡撰

填詞

三

小令

十六字令

近調宜列賦題但本稿多
不列今不敢增入後倣此

花下影跟人上玉墀誰推倒橫著半瓊兒

搵練子

青草軟綠波長日暮鄉關思渺茫吳苑隋堤何處是滿
江垂柳又垂楊

前調

泊山塘作

雲淡淡雨絲絲舊日真娘何處祠橫笛短簫聲漸遠藕
花塘子夜來時

夢江南

當緩緩歸曲 坡曰按吳越王妃每歲
歸臨安王遣妃書云陌上花開可緩緩

歸矣吳人用其語為歌凄然又蘇子瞻
有緩緩歸曲然用清平調引與此異

臨安去陌上已開花扇影似翻江上羽車簾剛拂艸頭

沙緩緩好歸家

其二

臨安去陌上已花開
繞路烟絲籠煖去
清江日影帶潮回
緩緩好歸來

法駕導引

送一琴和
尚還羅浮

江帆暮江帆暮六月水西頭
竹子牽來黃蛤履荷花汎
去白螺舟送汝返羅浮

憶王孫

東風吹柳覆金堤夾岸紅樓望去迷日映游絲捲幔低
畫橋西一樹嬌花鳥自啼

前調

遊西
施山

西施歌館舊城東畫棟朱欄映碧空花絮陰陰趁晚風
翠重重石上胭脂墮雨紅

翦半

舊無此曲疑分一
翦梅之半故名

光宅坊前十字街桃子花開杏子花開鈿頭襪子有人
猜恐是銅釵不是金釵

其二

縛竹纖纖似女腰
欲上溪橋怕上溪
橋黑雲遮住北山
均昨日風潮今日風潮

其三

木榭花間乳鵲栖
鵲也能飛花也能飛
臨行空記艸花
期二月當歸三月當歸

長相思

泛舟西
江即事

一橋低兩橋低
棗樹灣頭西復西
江深雨欲迷
早鳥

啼晚烏啼兩槳歸來烏未棲相逢半路溪

前調

雙頭釵獨頭釵一樣金鵝兩樣排釵梁起四臺烏帽
來白帽來湖就磯頭望幾迴菖蒲花未開

點絳脣

送春

惱殺啼鶻逢人還道春歸去留人不住誰要留春住

花絮茫茫萬點愁人緒歸何處春歸無路莫是人歸路

前調

姜亦與汝長
庚遜聽琵琶

抱出檀槽金絲撥子輕輕落淺圓羅幙月上欄杆角
夜半嘈嘈繁手驚相錯敲銀索夢回粧閣花底飛烏鵲

前調

米蓮
曲

南浦風微畫橈已到深深處藕花遮住不許穿花去

隔藕叢叢似有人言語難尋沂亂紅無主一望斜陽暮

相見懽

倚牀還繡芙蓉對花叢牽得絲絲柳線翠烟籠
愁思

遠拋金翦唾殘絨羞煞鴛鴦爲銜去一絲紅

前調

花前顧影鄰鄰水
中人水面殘花片片繞人身
私自整紅斜領茜兒巾
却訝領間巾裏刺花新

前調

懷人

秋風嫋嫋登臺強徘徊
兩兩鴛鴦飛去幾時回
錢塘路西陵渡
總天涯不是蚤潮又是晚潮來

霜天曉角

全丁大聲史憲臣徐徽之蔡大敬來成夫登望京門樓

平沙十里滾滾江潮水
橫下秋鷹如削短艸岸朔風起

欄杆人共倚，舊關何處是。記得西施去路，殘陽外碧烟裏。

前調

起曉

柳烟如織，病起逢寒食。昨夜東風吹緊，花梢上雨來急。曉開銅鏡，立鏡光涵曉色。驚見濃雲堆下，梨花月一輪白。

醜奴兒令

妓席
送酒

玉瓶春暖，酌醪醑淺。艷殺青哥窄袖，摩挲抄搔，把空栝弄鈿。

螺 擎來悞濕雙條脫重瀉金波斜對銀河唱罷甘州
奈若何

前調

珠繩初結銀河瀉花滿中庭露滿中庭嬾向庭前看月
明 山屏幾褶孤眠久夢也難憑醒也難憑翻願今宵
夢不成

減字木蘭花

柔婦詞

城南暮雨尚有採桑秦氏女低繫桑籠獨倚桃花一樹

紅青驄西去口裏銜絲銜不住歸到燈前一任三眠
與四眠

前調

全姜八孝
庶有訪

陸公祠畔十里橫塘行未半花港深深王四娘家何處
尋醪醕初注又是孝廉船欲去怕照菱花對面分明
又一家

卜算子

小鳥踏花枝花落如紅霰花樹朦朧一徑迷中有佳人

面 愁見落花多欲去還留戀
扇子盛來仔細看點點
桃花片

前調

門外綠楊堤門裏紅粧女
何處金羈美少年故綰垂楊
縷 風起攬楊花飛作廉纖
雨眼底迷迷不見人且聽
黃鸝語

阮郎歸

春暮

櫻桃子熟竹初肥南園晝啟
遲蜂房瀝粉暗成脾畫垣

生綠衣 蒲雨漲柳橋低鞦韆深院迷杜鵑啼歇最高
枝有人還未歸

前調

秋暮見
晚粧者

拒霜花發傍粧樓樓前細水流隔花初日上簾鈎美人
樓上頭 開碧篋瀉紅油鏡邊長坐愁鴛鴦瓦熱露華
浮玉釵寒未抽

浣溪沙

和任二王
補迴環韻

陰柳垂庭山枕斜禽鳴自上檻邊花深屏午夢隔牕紗

甕啟冰牙蛆瀉酒襟披雪眼蟹滌茶臨粧晚掃淡黃

鴉

迴前

斜枕山庭垂柳陰花邊檻上自鳴禽
紗牕隔夢午屏深
酒瀉蛆牙冰啟甕茶滌蟹眼雪披襟
鴉黃淡掃晚粧

臨

武陵春

登仙
桃山

溪口桃花紅欲暮淺水泛胡麻行盡空林散紫霞來到

上清家 縹緲香壇松飯熟石鼎醉丹砂歸路殘陽噪
晚鴉回首亂雲遮

菩薩蠻

即事

花前鼓瑟花間聽紅燈低照新粧靚侍婢喚行雲高唐
曾見君 玉籠香霧繞怕見青銅曉井上轆轤聲翻教
睡畫屏

前調

咏枕和友

珊瑚鏤枕珠闌細盤雲散澤香衣膩枯壓鬢邊花花紅

印一些 與誰同轉側 繡出雙鴻鴻將枕 付陳思陳思
思不思

其二

嘉文小畧雙絲紐 單窩認得孤眠久 淚浥口脂融相逢
一夢中 花函遮短幘 中有相思字 銀燭夜來新 深憐
抱枕人

前調

商霖臣
納姬

溝頭流水山頭雪 春江幾度迎桃葉 桃葉渡江來 江花

兩岸開 珍珠量幾斛買得雙蛾綠衫子綠于蛾雙蛾
奈綠何

前調

為楊生催粧者多見紙落綠上官知書也最後弟子周風遠索性和詞

丹楓葉葉迎春小錦茵開處香鸞繞銀扇隔瑯櫳燈花
百子紅 欄前烏鵲曙休遣催粧去賦得夜來珠昭容
攬鏡餘

其二

雕籃細壓花球小金箱疊鎖蛛絲繞畫燭滿簾櫳雙樽

琥珀紅 芙蓉清漏曙 曉鳳銜烟去 慢撒帳頭珠 香奩
貯有餘

前調

顛倒韵伯兄大
千姪阿蓮公作

藥欄勾墮銜釵雀雀釵銜墮勾欄藥花落畫屏紗紗屏
畫落花 曉山關雁繞繞雁關山曉人遠惜殘春春殘
惜遠人

其二

軟鋪銅甃飛紅淺淺紅飛甃銅鋪軟深巷柳搖金金搖

柳巷深
爍篝香霧薄薄霧香篝爍門掩半黃昏昏黃
半掩門

其三

去春三鳥栖來曙曙來栖鳥三春去邊塞絕秋千千秋
絕塞邊
錯彈哀抵角角抵哀彈錯樓倚謝娘秋秋娘
謝倚樓

其四

井榦雙斷金絲綆綆絲金斷雙榦井城上響啼鶯鶯啼

響上城 綺園南去騎騎去南園綺遲日墜鳴機機鳴
墜日遲

其五

簌錢金壓花裙唾唾裙花壓金錢簌斜日鬪鈿車車鈿
鬪日斜 酒胡雕列在在列雕胡酒孤燭醉當壚壚當
醉燭孤

其六

熨香沉斗珠繩屈屈繩珠斗沉香熨花鴨睡籠紗紗籠

睡鴨花 減絲荷漏淺淺漏荷絲減長夜好難量量難
好夜長

其七

燭槃深影春懶曲曲懶春影深槃燭迷路入花溪溪花
入路迷 枕函空覆錦錦覆空函枕遮莫苦棲鴉鴉棲
苦莫遮

其八

刺桐花滿高橋寺寺橋高滿花桐刺魂斷幾家村村家

幾斷魂 去駟嘶落絮絮落嘶駟去娘度夜中霜霜中
夜度娘

其九

小姑村映青溪曉曉溪青映村姑小家是就磯斜斜磯
就是家 返舟蓮櫂遠遠櫂蓮舟返儂識舊娃宮宮娃
舊識儂

其十

寄友

上潮春漲西陵望望陵西漲春潮上寒雨渡來難難來

渡雨寒 燕泥銜斷檻檻斷銜泥燕時苦作蠶絲絲蠶
作苦時

其十一

訪所
歎作

路旁廂板烏桺樹樹桺烏板廂旁路尋處甚陰陰陰
甚處尋 縷絲千點雨雨點千絲縷何若別情多多情
別若何

其十二

落帆亭送女士
黃時今速行

窄帆輕落亭前驛驛前亭落輕帆窄紅露浥花籠籠花

浥露紅 渡淮臨雨暮暮雨臨淮渡長過莫愁鄉鄉愁
莫過長

攤破浣溪紗

懷張七雜隱
粵東未歸

黃木灣前蘆雁稀琵琶洲畔竹花飛南去陸郎烟瘴裏
幾時歸 翠鳥羽長臨鏡遠章魚海澗跳波微看到木
棉紅又白好裝衣

少年游

過陵下
感舊

當時邂逅凌家山下桃樹滿前津今來又值桃花開後

不見那時人
香輪翠幙陵前路
日影動飛塵
流水橫
斜鳥啼哀怨愁
對武陵春

南柯子

鬪州詞

喜摘唯紅豆
難攀是白榆
百花亭外展
氍毹藏得宜
男
臨賽又踟躕
綃帕牽藤刺
緗幘裹露珠
朦朧却把翠
鈿輸
暗揀花枝
揀補髻邊虛

前調

和楊王客賦得
玲瓏隔牕語

青漆垂銀鑰
丹紗映玉櫳
隔牕嬌立小
芙蓉兩地分明

細語一燈紅
好鳥音初剪
幽蘭氣轉濃
相看枉自喚
玲瓏一寸明
螺榻子萬重峰

前調

蒸花

粉蕊飄來薄
紅英落處稀
一團并作
屐頭泥
却是桃花
飛過李花飛
殘粉留青蒂
零紅斷碧枝
落花那辨
蚤和遲
空自曉風吹
了晚風吹

前調

飲奠氏

梧子叢臺敞
荷香小幕開
冰漿雪溼滿
樽罍時見
梁間

雙燕自飛回 覆艸傳螺盃藏鈎覓墜釵閨中柳絮謝
家才妬煞王郎私遣隔簾猜

鷓鴣天

絳帳迢迢結作雲東風吹縐石榴紋芙蓉弄色調金粉
蛺蝶尋雙認繡裙 花幕懸思紛紜游車歸去日斜曛
不知唱得難忘曲十二釵邊若箇聞

前調

過女教
場有感

銀甲瑠戈小隊工內家宣勅教從戎山蘿覆鏃紫金細

野火燒旗閃幔紅
宮月靜陣雲空
鳳凰山下抱龍弓
珠兜玉鞞團營路
小雨寒花何處逢

前調

賦得鴛鴦沙路遠

翠鬣紅翹金蹠低
藕花多處一汀迷
誰憐比翼琴臺瓦
枉織雙絲錦字機
銀埒遠玉塘稀
天長海濶幾時歸
相離只解相思死
那解相思未死時

其二

蓼浦蘭江隔遠岑
彩毛飛去信音沈
十三絃上鍍金柱

二八髻頭琢玉簪
無處覓好難尋
空留雙影繡羅衾
幾回欲向沙頭路
到得沙頭路轉深

玉樓春

姜汝高公子
迎婚武林

梅花開滿清江路
北府夜涼新轆度
誰開扇上五明羅
只掛燈前九子璐
西陵水削迴潮暮
雙珮乍傳天欲曙
開元新賜小金錢
撒在帳中無覓處

前調

八月宿姜真源憲使後
院夜飲全小農汝旦作

紅葉小幙開深檻
微雨乍收涼漏淺
酒淹罍火帶霜吹

風攪燭油和焰翦 銀船交泛明河轉玉樹當軒共婉
變夜深空憶廣陵濤水繞曲江知近遠

前調

題詩緜
有叙

乃若金箱填字遠過縹裳鏤管成文勿需黛梳秋金
懷寶鍼之篇晨鏡掛玉臺之咏則有寄旨蒲生興情
紈素藏明月于篋笥之中望悲風于泉麻之末雖或
華釵曜首難間兩思澁布縫衣徒傷十指誠哉托累
歎以叙情惟導揚之撫志者矣夫陰陽麗居玄黃以

間竒偶環生鍾呂惟錯故物情以抒播而相宣幽思
緣咏謠而就闡曩者兪山嬌女創始南音於越小君
實憐西往周官諧淑女之章尹媯重都人之什則夫
學士稱詩不疑備錄閩中揚誦能無軼音洎乎僥仔
嗣徽於有漢令暉振藻于齊代烏聽三妹未誤吹桃
蘭偶二媛不生上葉縱左兒金艸數樹遺馨陶氏鈿
箏幾行斷線亦且修肴扶寸而成味繭絲雜組以為
色况復盤中屈曲刀尺所未傳錦上迴環機絞所難

及以至翹風多仙去之思著日起忘歸之樂即新聲
苦耳子夜歌來舊地驚心陽春看去妓童且戀其金
鈿嫂婢竟攬夫團扇沙門留少婦色比茗華湘岸送
嬰兒號為蘭杜斯亦叢搶所難遺相種之必備也且
夫古之稱採摭者豈徒規長飾子周流美好云爾哉
蓋將以離合衆多區別瑜妙而善用其所至優也雜
花非一色而皆釀于目紛割非一味而皆蕩于齒故
混絲匏于條貫之會則扭矣列黼畫于纂組之班則

殺矣故夫褻帙既備投討易為功近載未詳賓陳難
為力苟其故杼之纏綿自必殘絲之紹屬然而空織
無緯求匹自難絲子未生春蠶已化當日婉兒選士
帳殿珠飛惠姬授書藜屏火燿加以婦功而受婦絲
則緝紹不失其文以女士而作女誠則窈窕不傷其
體矧玉映嗣本中郎家餘鮑照紅墜未斷還傳磧面
之詞綠篋堪留實儲傷心之句曾攬珮纒于澧外已
散珠唾于雲間則其董銅照物鏡裏花開魏尺量衣

燈前錦爛紅蛾著樹必當收園客之絲綺瑟停歌誰
謂減嫫妃之鑷哉

吳山曉閣粧螺子山木倒開蠻鏡裏筆牀閒寫竹衣紅
書帶自垂藤菜紫機頭小軸穿花綺纂就散絲盈絡
緯秋波千頃照芙蓉無數綵雲江畔起

虞美人

九日
城遇雨

龍山秋曙官亭冷烟鎖茱萸井西風吹雨雁南來何處
還登戲馬宋公臺美人壚下桑郎熟細把金錢菊遼

東皂帽墮堪傷不道滿城風雨又重陽

前調

廣陵李宗伯
寓觀女劇作

蕪城新曲勾欄淺覆地氍毹軟小蠻金管雪兒第二十
四橋明月照人醒 三朝不作銜書鳳但舞江南弄曉
風散去彩雲愁可是竹西歌吹舊揚州

前調

喜來我平歸自江右寄詩并詢
徐大文張祖望共雲章消息

布颿婀娜江州至貽我相思字懷中一日九開看記得
舊時風雨夜闌干 潮平若泛西陵渡須把滕王賦南

州榻冷劔城涼借問延陵何日下南昌

前調

寄懷鄒
許士

宮鶯細轉皇州路花煖金盤露春風扈從賦長楊策馬
歸來重醉酒壚傍 錢塘五月冰壺曉別館新荷小瑤
辭百幅重南金思煞梁園客子到如今

西河集卷一百三十三

欽定四庫全書

集部

西河集卷一百三十四至
六

詳校官編修臣曹城

助教臣常循覆勘

總校官庶吉士臣倉聖脉

校對官編修臣范 天

謄錄監生臣張誠智

欽定四庫全書

西河集卷一百三十四

翰林院檢討毛奇齡撰

填詞四

青玉案

渡江有感

夕陽江上丹楓暮，看車馬紛紛無數。當日西施從此去，城
山出海樓船近岸，中有更衣處。平沙十里長亭路，空

留得花如霧。最恨江流流不住。暮潮初下，午潮還上，今

古西陵渡

其二

片帆絳處蘆花白
痛年少經兵革
庾信江陵歸未得
教
兵城下高遷屯畔
一夜寒濤圻
東來西往看如織
問
誰是當時客
睹此芒芒百思集
素車何在烏鳶散
盡猶
有人霑臆

瑞鷓鴣

和姪
阿蓮

梨花彈鵲驚春雪
柳曲迎車怯曉風
檻外蝶衣籠畫粉

樓頭鳳蠟瀉珠紅
燠迷銀葉憐粧圻
露壓金槽滴睡
濃無奈景陽鐘
隱隱數聲和月到
簾櫳

其二

春還繡陌桃初落日
映瑤綃幙半遮黃
點額頭花勝結
紅抽靴子蒯繩芽
妬蛾箏合矜秦趙
細犢車香繞狹
斜空有侍中誇
易識難忘一笑在東家

其三

吳娃窈窕裁芳紵
楚竹參差聚列星
歌扇影迴屏半褶

舞裙絲挂箔頭釘
觴迎水曲翻龍鬣
車轉花梢動
鈴天上舊曾聽鼓瑟
歸來幾度暮山青

其四

董賢館外驕駟騁
班氏門前冷鳥啼
湘浦芰裳迷蔡北
秦臺蘇合出烏西
鍼縈鸞縷愁丹纏
燈滿蠶塢怨赤
踈難與故夫攜
束素重逢但唱杞梁妻

踏莎行

題梅市香
奩集後

寶扇橫時玉堂深
處開奩齊唱金鍼句
漢陽少婦解璇

璣孝標令妹工詞賦
鬱州名金柳花成絮滿闌種就
珍珠樹欲聽緱氏海西謠須尋仙尉江南路

小重山

麥壠青青菜壠黃
野棠花滿路日初長
誰家女伴鬪新粧
蜂來往刺得口脂香
三五暎垂楊
見人還却步背
方塘小姑不解斷人腸
看花落又看浴鴛鴦

前調

鞦韆詞

繡柱紅繩曳彩雲
雙雙懸畫板對斜曛
風吹襪子小鴉

分重扶下低繫水羅裙
天際映虹紋拋來香帶薄繞
氤氳空園人散欲黃昏驚鴻墮花落自紛紛

前調

尋錫氏姬人彈琴時正學織無催促始出坐後彈幽蘭操指弱若絃逼又私顧坐人

每彈多誤頻視指爪云為前
解所傷賦小令即事讀示之

花裏重尋趙璧彈流黃朝日映織初殘停機暗下理雙
鬟調絃請莫是喜幽蘭
絃澁苦難安機絲曾裂指沁

心寒思繁錯記寫離鸞彈多誤頻脫指環看

前調

青鳥銜來雙錦鱗背人佯撇下小重茵口脂紅淺浥香
津緘題處印得指螺新素字小泥銀簪花新樣巧衛
夫人鴛鴦格子剪江蘋波紋細恍見淚粼粼

前調

一過東湖深又深石橋啼不斷午時禽柳黃曾壓絞兒
金雙朱戶流水晝沉沉有女暗相尋紅衣羞淚濕洗
前襟東風吹放小桃心吹難住吹落滿庭陰

調笑令

馮二

蘭陵酒壚江縣前壚頭小妓名阿絃粧成好咏晚桃
曲手持雙帶黃金錢金錢綰帶隨手斷願絳銀牀幔
頭蒜桃枝本是紅紫枝翻作當年柳枝怨

怨怨柳如線青漆鴉頭紅胆燕背人偷弄金條釧一曲
桃枝相戀落花飛滿春江面飛過春江何限

前調

香芬
弟

張玄小妹閨房姿傾城能作顧兜詞孤駕文彩本相
惜只憐花鴨難求雌懺懺熊熊燭光動悞泛桃花到

花洞天青地白何所關愁煞江郎對牀夢

夢夢晚花凍小妹閨房原解誦窺幰偏愛求凰弄恰是
琴心難動琴心裊裊春風送豈是琴心難動

前調

真珠洛下排銀觴停絃暗呼紗帽郎金鈿花合入侯
幕重逢仍在光延坊光延坊南秦娘路別住街頭有
樗樹傾觴一顧十載心化作片雲無覓處

處處繞飛絮紗帽郎今何處去章臺折盡長條樹樗子

街頭重遇玉餅金瓊燈前注愁煞夜烏啼曙

臨江仙

沈康臣生
日席上作

五月海榴紅照眼美人初佩丹砂金堂綺席啟朝霞
暑衣裁葛葉冰椀浸菖花 賦就子虛將入奏漢庭
狗監先誇秋風錦石動星槎但懸金似斗那羨棗如
瓜

其二

細結五絲仙勝縷屏間艾虎交懸願郎如虎復如仙山

公曾典簿四十正當年
男子生難誇萬乘也應日數
官錢他時花拂錦連乾欲看三島雪更泛五湖船

前調

送董琴卷司馬之任汾州

紅旆遠迎汾上路樓船還賦秋風兒童騎就竹籠蕊塞
烟含柳碧關雨墜楓紅 漢相江都三策貴勿需司馬
軍容琴臺撤幕敵芙蓉高山千萬疊流水兩三重

前調

贈任石友初度

記得蜀葵花發後一樽長對花前鳴鳩初拂杖鄉年紫

簾開碧篠丹竈有青蓮
十畝綺園還自賦
彥升當日
詩篇玉鉤金犗釣魚船
枕來滄海外
漱向赤城邊

蝶戀花

蠟子櫻兒飛綠鵲
午睡裁醒倚
遍雕紅藥青映遠山迴
雨脚殘虹幾
暈臙脂削
滿院繁花香漸落日暮風生
片片吹來薄
粘得斷絲絲
又弱重重絆住鞦韆索

前調

日暖穠桃紅照水
粉蝶飛來水上銜
香蕊映水雙雙低

復起影兒也在花窩裏

後缺

唐多令

嘲柳兒

隋苑覆依依行人迷又迷
風前空惜好腰肢待得長條
堪作線蠶箔下又綠絲
折盡渭亭枝年年送別離
滿欄空自撲人衣待得飛花
堪作絮交領下煖風吹

江神子

送柳兒

紅亭細柳碧條條解輕舸
渡春潮沽酒簾低春色滿
河橋送得柳枝南浦去
人漸遠楚天遙
臨行重繫綠絲

縵拂花梢望迢迢柳絮飛飛偏惹柘黃袍春去那堪還
積雪點點下未曾消

前調

花銜日色柳銜烟畫樓前水連天緩榜輕歌鴨嘴小娘
船新載搖郎湖曲裏不願取渡頭錢前山深樹有啼
鶉恨年年未歸旋紅板人家猶自掛鞦韆日薄餘寒春
又晚溪路遠艸芊芊

祝英臺近

畫欄低斜日暮睡起甚無緒
蛺蝶游絲陣陣惹飛絮是
他梅子生心櫻桃辭蒂著甚箇五風三雨
隔牆樹聽葉底鶻兒不住叫誰去看又黃昏寂寂閉朱戶夜來明月何如幾時回顧記不出初三十五

滿江紅

高兩臣
彈琴作

猊火初紅抱綠綺夜堂三弄漸秋老亭臯木落晚雲流
凍紫裊霜田翔寡鵠碧梧涼葉棲雛鳳似蘭娘峽裏聽
流泉當時夢幾曾是高陵痛何須作雍門慟但前軒

月下手揮目送三尺冰絃看似雪有新聲
迸入鴛鴦綠恰七條總似一條絲絲絲動

前調

施愚山憲長括全章劍威六匠陳集生張南士徐伯調平載問過岳王祠觀宋高宗

手勅用文待詔王弇州韵

第六橋頭四望裏水青山綠柳陰下慢舟艤岸管笙低
颺過雨晚移東嶺盡清鐘午度西林曲趨紅裙同拜岳
王祠閣追逐雙熊仗排花谷交螭字橫荒麓啟玉函
珠璽鳳鸞飛簇漫道明湖春去久聽子規尚叫南枝木

痛玉毫散寫作南枝枝枝蠹

玉漏遲

白門張修崖京口呂錫馨遊越
全人公讌于右軍祠下即事

右軍祠下路勝友高朋一時雲集修竹崇品遙想蘭亭
當日車轂驟如流水交履烏滿堂笙瑟何處覓華鐙影
裏管兒歌溢 蚤是千里相思更命駕能來四愁都釋
南國佳人邂逅相逢車笠梁苑鄴宮難再金樽滿倒傾
安惜漏轉急今夕不知何夕

滿庭芳

公望遺姓以
潞國之琴

漢室淮南藩封澤潞紅絃久擅空桑攜來海甸寶匣散
珠光碧軫瑤徽璣額龍門樹斲羽鏤商人傳是乾清供
奉曾遣賜諸王 宗禎題歲月橫紋印綠蘇帶流黃自
王孫散去淪落江湘故國軒懸何處燒桐好付與中郎
誰知得紅絲繫足還是舊宮粧

前調

海燕爭春城烏啼曙叢叢花滿闌干虹梁日照碧葉露
初乾昨夜新衣裁就薰籠煖翠簇紅攢頻提視羞人難

著只說曉粧寒 長干西去路春江鴨綠新水漫漫
青牛朱轂駢馬金鞍江畔垂楊萬樹風吹繞貝帶編爛
粧樓望翩躚水底疑向鏡中看

前調

壽諸
衣五十

紫嶠鸞飛銀河鵲去南園長抱金卮蓮塘晝煖花影散
紅衣種得兔頭新熟閒唵望繡滿町畦扶瑤瑟佳人醉
擁日照畫欄西 回思當日事難壇會鼓鶴市吹簾難
蹉跎隔歲屈指俱非但對百城圖畫家瀕海有友安期

憑酣飲朱顏未老翹首絳雲低

前調

聽商生徵說
彈琴永恩樓

微雨涼收風翻橡葉女牆斜點三星永恩樓上躡履暗中聽何處瑤琴初發珠簾外流水泠泠停聲久千崖忽墮元鶴舞青冥汾亭遙奏後簫憐秦女瑟怨湘靈奈晚風吹角秋雨淋鈴此際琴心到處東家女誰在銀屏屏中睡今宵無夢有夢也應醒

前調

沙綠妓一名沙六商氏姬也度曲稱妙一時既乃為尼于果園名谷虛矣亡友

祁兵憲姬弱雲初北里有名兵憲亡後從
六云姓飲桐音齋詢其事賦得長調金東

叔和
歌馬

石氏懸樓王郎開閣傷心睹此芒芒上宮碧玉本是舊
名倡總帳空懸日暮西陵下幾曲滄浪如何地漳臺望
久回首見空王 雙雙尋侶伴幽唵梵磬彷彿伊涼把
楊枝滴露暗洗朝粧滿目天花散盡雲牀冷夢斷高唐
褰幰坐水田衫子不疊舊衣箱

倦尋芳

寄駱叔
夜明府

渭南萬里三載攜琴人誦廉潔為莽慈親歸卧溪山別
業道遠勿辭高士弔哀來時涌丹徒血苦思君又蹉跎
相失暮秋時節 游望冷薔薇洞口絲竹蕭條遠過前
哲鬼苑雞場還攬舊時英傑州煖唵成樊水調花飛夢
散華池雪聽西堂幾何時又鳴蜻蛚

桂枝香

姜桐音芳
樹齋留別

去冬冬至剛雪霽梅花山樓殘醉兒女燈前感歎宛如
夢寐春來重訂王孫約竟淹留又攀叢桂青陽下榻玄

霜解纜頃刻間事
念晨夕盤餐並對更寒雨雞鳴煖
風花墜巴里聯陰古調遜君佳細雲門舊誓尋難度頓
陽關衰柳搖曳幾時還看賓鴻萬里碧天留字

喜遷鶯

祝贈

錦堂清晝恰瑤琰傳來玉荷開後齊岱基祥甫侯嗣懿
盛世相君遺胄皇覽揆予初度看綵鳳翔雲岫况世載
有千金一字國門之購
前侑歌緩處脆板清絲花下
排紅豆竹秀聯陰波流送羽觴詠蘭亭依舊當日醉鄉

何在教好女揄長袖恐有客飲淳于一石與君為壽

長亭怨慢

賦得春日凝粧上
翠樓和葉蕃鮮

春已暮畫奩頻啟朝日穿來又在眉際
敷粉將施彈綿
先拂鏡兒裏木瓜漬了又添上新紅子為要好情多還
則向傍人問箇勻未
畫長繡褶煖換却篋羅淺綺薰
嫌石葉疊下鬱金細細臨行道履線將殘踏不得樓頭
新纈誰曾顧樓前樓外暮春餘幾

念奴嬌

集張登子
南華山館

蘭亭秋暮眺晴原竝到南華山
墅畫檻橫塘看兩岸多
少斷紅殘紫鼇禁當年鷺車
昔日休沐時來此蒼梧頽
嗣至今長讀秋水閒備彩纜
青絲玉壺攜酒處錦鱗
鮮美吳下阿蒙何日至相對
鄴宮才子舞鳳雄圖放龜
遺跡衰柳頻低起耶溪相望
不知去幾何里

前調

示姜芭
貽留別

謝庭玉樹乍臨風
搖曳烏衣巷裏何處羊車
還洛市皎皎雙瞳如水洗
馬清神黃門雋格少小能
文史玄亭問

字慨然逢故人子 相對芳樹高軒青鏗殘夜淺流螢
媿媿轉盼河橋解纜去零盡江皋蘭芷燕翼堪憐鳳毛
有待西水浮新芑春陽努力眼中吾且老矣

前調

為白孟新仲
調母夫人壽

闕

白下嘆何人不識白家兄弟長者賢良方就辟仲
舉孝廉相繼有母年高北堂娛養護樹長芬斐及時捧
檄如君孝弟能幾 幸遇八十華辰稱觴遠近各具登
堂禮曾讀前朝黨錮傳二白齊名杜李滂母賢哉從容

告誠籍籍盈人耳風流無恙百年今且伊始

春從天上來

擬昭君詞
送友出塞

河水東流看萬里寒風塞外驚秋誰遣傾國遠嫁邊頭
辭鳳輦下龍樓記臨行上馬賜與錦帶共瑩篋卸宮粧
向深深毳幕徐換貂裘平沙那堪曉發似露下長門
月墮金溝滿地燕支萎紅枯紫巧勝畫筆塗勾羨年年
塞雁歸渡海岸與沙洲願仍還上林舊宿同叫更籌

花心動

寄大
敬

蝶裏花欄微雨後深苑荆桃如菽紅粉堆邊露琯冰箏
並起是誰華屋棟花風發前村暮空巖畔有人如玉牽
蘿罷天寒倚遍一庭修竹私唱開元舊曲見林外春
紅暗翻秋綠昨夜驚烏夢裏還啼向日對筵蕉燭玉獨
盤地銀絲繞吹松粉墜來金粟那須聽黃公鳥聲斷續

西河

春後雪衫兒因甚難熱綠叢啼鳥聽吹來嫩簧小舌可
憐穀雨是明朝又當花謝時節翠蛾子誰與貼雀花

鏡裏誰折珠娘西去唱楊枝怨歌幾闕長干斷處苦相
迎桃根桃樹桃葉 枕屏疊下三四褶攬流蘇帶子雙
結枉對金釭明滅但轆轤井上咿啞相接恰夜烏城頭
啼歇

望海潮

越中懷古全
秦淮海韻

東南都會會稽形勝居然晉代風流宛委赤書蓬萊紫
氣天連星宿牽牛佳境任優游向山陰道上秦望峰頭
萬壑千巖當時曾此鎮揚州 依稀舊蹟還留悵蘭亭

人散戢里歌道九曲風光五湖烟雨望中處處生愁時
泛小犀舟看西施西去花謝粧樓猶見若耶春漲綠草
遍芳洲

金縷曲

壽商
樞部

正小春花煖繡屏開碧觴乍舉黃眉初展玄扈干雲太
宰後猶見征南李簡且載酒閒聽絲管綠野蚤成江上
宅况採芝舊日商山遠問海水幾回淺古來七十原
希罕更菁蔥滿庭玉樹凋盃金版荀氏八龍齊下食不

羨瑤臺瓊苑是何處馳歸輕聽大婦流黃中婦錦最可
憐小婦調笙緩榆歷歷棗纂纂

蘭陵王

想前此閣下薇花乍紫橫欄曲半臂荔紅鬢髮新梳理
黃子按鷓絃第四忽地吳頭楚尾看看遠海雁又來眼
底空留數行字 思量那年事不合啟廂東夜雨燈暗
桃花悞賺劉郎至奈三載寒食一朝歡聚手把窄襪弄
花綺那知夢兒裏 倚徙病初起况翠帳寒生晚秋天

氣暮暮朝朝向誰是縱迢遞關山夢魂堪寄知他去處
是百里是千里

西河集卷一百三十四

欽定四庫全書

西河集卷一百三十五

翰林院檢討毛奇齡撰

填詞

五

少年游

汝南官署
七夕作

看看又是銀河清淺織女乍停機不知何事今宵殘醉
還聽汝南雞庭前瓜果粧成巧暗裏絳蛛絲記得年
前小礮山下乾鵲夜來時

前調

過淮城口
有序

予去淮久矣康熙十七年徵車入京從淮城下過遂

駐馬流涕占此詞

馬蹄纔發陽平門外望裏是淮安可憐此地曾經流浪
一十五年前 曲江高會知何處秋水晚生烟惟有垂
楊千條萬縷還挂酒樓邊

二

行來但覓旗亭舊蹟下馬駐城闌請看當日淮流如故

雙淚落征輪 淮陰市上諸年少相憶總沉淪誰料衰
年徵車北去羞見市中人

前調

題陳檢討小影傍有
侍兒坐蕉簟弄笛

十年苦憶元龍顏面夢寐恐難親不虞相見長安道上
并見在傍人 停毫一顧踟躕久欲待按歌勻碧鴨消
時紅蕉坐去何處不傳神

南柯子

題胡明
府小像

江縣看花後山城種柳時布袍竹杖鬢如絲今日畫圖

相對繫人思

前調

題寄史蝶
庵卷後

水漲芙蓉粉烟含楊柳絲幽人家住五雲溪行過東坡
書院孝侯祠 篋有中封帖吟成東去詞荆南相望一
相思恰又晚村花塚夕陽時

前調

淮西容舍按得
陳敬止書有寄

驛館吹蘆葉都亭舞柘枝相逢風雪滿淮西記得去時
殘燭照征衣 曲水東流淺盤山北望迷長安書遠寄

來稀又是一年秋色到天涯

惜分飛

答吳江徐菊
莊見憶原韻

楓葉吳江長橋畔別去年華又換聞在湖南岸蓮花幕
下閒庭院 幾欲從君秋過半寄到新詞讀遍何處尋
還雁暮潮但見平如練

朝中措

平山堂續
詞有序

揚州平山堂傾廢久矣康熙甲辰冬十月予過揚州
值太守金君從故處建堂命予以酒且勒歐陽修朝

中措原詞使坐客續其後予思歐陽公贈劉原父時
平山欄檻方盛然猶矐念手植若有感于春風之易
度者况距公千載而興是堂其藉于世之為原父豈
鮮也因被醉書此詞附坐客後

青山猶在畫欄空人去夕陽中不道十年重到還披此
地清風 蜀岡無恙堂成命酒一聽歌鐘未審後來太
守是誰能繼山翁

西江月

續東坡詞
有序

此予續東坡詞也東坡憶歐陽公而為是詞予復憶坡而重續其詞雖然予豈能坡哉太守金君重勒坡詞與歐陽公詞並列故予並續之云爾

聞道歐公當日賓朋載酒堂中後來三過有坡翁長使
林花飛動 此事已經千載我來重挹高風眼前莫放
酒杯空恐是東坡殘夢

虞美人

九日同姚庸庵張德遠左夔友諸君汎湘湖登越王城和庸庵韻

平明載酒登高去湖畔停船處幾株烏柏未全紅猶喜

黃花開遍小橋東
長江一望環如帶
放眼千山外
開罇更上越王城
多少夕陽江上晚
來情

前調

過江寺
和友

江郎祠外中秋月
城角吹將徹
十年長記此宵中
豪客相過深巷有微風
今來君宿耆閣下
又值中秋也
題將麗句最紛披
恍見當時桂樹晚依依

前調

題畫為李
都官壽

是誰畫出潘家果
百琲珍珠顆
羨君原是柏梁才
記取

桃梨橘栗李榴梅 玉珩金鑲琉璃甕且作和羹用須
知仙樹本蟠根欲借花前一醉石州春

前調

早行
口占

秋風槭槭教陽路草屋方垂露當壚夜起數金錢獨對
寒燈此夜不成眠 廿年岐路今方息又是徵書急柳
梢斜挂月朦朧不信還來騎馬月明中

前調

己未四月宣城施少叅寄雲樓下梅樹忽
發二花值是科殿試榜發同邑孫子立第

楚芬以一甲同投館職既而又發二花則少
叅與同邑高阮懷並以制科投館職一時相

傳以為草木之瑞非偶也舉人梅淵公繪為瑞梅圖寄至京同館各為詩頌之于和少叅

詞書圖

卷末

敬亭四月梅花發正值清和節慈恩寺裏曲江邊新舊
郎君爭占一枝先紅羅欲寄無由寄空寫泥金字樓
頭長贈碧山雲恰取花枝中半兩平分

前調

題天台採藥圖為
淮安劉六皆比部

桃花又發臨淮渡錯認天台路行來莫笑太奔忙知是
赤欄橋畔舊劉郎平明入直迴西寺幙被雙娥侍含

香誰問夜歸遲只恐桃花回首望中迷

前調

為劉比部題天
祿閣燃藜圖

圖書萬軸牙籤滿辟蠹燒芸暖果然子政是前身羨然
當年天祿閣中人白雲司判西曹事薇省曾留字胸
藏冰照宛如犀絕勝西堂終夜對燃藜

小重山

自涿州至琉璃河達
京和同行韻三首

草店雞鳴酒未醒馬槽聽鬻粟漸無聲燈前盥面促裝
成車塵起疑在霧中行渡水石橋平秋風聯轡過涿

州城鄉關回首暗心驚
遙天盡愁見一雲橫

二

貫酒前庄日漸低
鞭梢斜掛壁卸征衣
同行三俊喜相依
垂楊下長許控金羈
河水碧琉璃
墟頭風物美近
京畿徵車欲度且遲遲
沉吟久三輔故人稀

三

閭闔嵯峨天際開
賓門方四闢重招徠
將車纔到莫相猜
諸王邸誰道買臣來
九市共三街彩雲遙起處見

蓬萊秋風歌詠柏梁臺承明內原有揆天才

前調

題吳江女士沈開闢為顧茂倫清繡抱壘丈人濯足圖

欲繡平原幾度思園蛾初作繭絡成絲前溪水滿雪消
時波紋起綠似小桃枝投足散漣漪夜來開繡譜度
鍼遲一痕青影暮烟微銜絲細不用洗臙脂

前調

失題 似為人題畫像詞

朱顏綠髮畫圖中丹砂長飲酒醉溶溶前身玉母舊青
童干將佩花鐔散芙蓉羽嶠有誰從蓬萊剛水淺渡

蒼龍他年笑入杏花叢瀛洲近折取一枝紅

前調

過舒漢雲中
書官邸有贈

當日吹簾兩渡淮感君長貫酒醉高齋十年分手各天涯
頻頻望紅葉喜當堦高詠謝家才綵毫裁詔罷鳳池
迴徵書白首苦相催平津第勿厭故人來

明月棹孤舟

題吳江徐檢討
孤舟垂釣圖

甫里先生何處是家住近垂虹亭子著罷新書開門閒
望但見一湖烟水放棹偶然垂釣餌人道是松陵漁

史若問羊裘投竿何所應在白蘋洲裏

千秋歲

和王丹麓
自壽原韻

青幡纔換又是春過半聽啼缺聲將變能令歲月增真
覺黃金賤更那顧秦王有女將衣卷但赴芳林宴一
任花零亂年半百休三嘆文章堪自信富貴非吾願君
不見比來世事皆如幻

臨江仙

題畫

姊妹相逢何處是朱欄斜倚雙桐坐來委抱鬢籠鬆畫

裙歌履窄金釧隔紗紅
寂寂春園人不到看時多少
朦朧綠坡生草細茸茸
銀猊閒戲逐翻向綠坡中

前調

申江署中題麻姑獻
酒圖為丁夫人初度

三月暮春春雨後申江初放桃花
忻看錦悅掛官衙名
妹如謝女夫婿是秦嘉
製得香奩粧百福珠屏爛若
朝霞麻姑曾遇蔡經家
仙厨將進酒圖上見來麼

前調

徐東建納姬自題臨江仙
詞即用其原調并韻嘲之

何處玉臺堪倚鏡
徐陵原有新題
今來同住巷東西門

迎桃葉渡人勝
芋蘿溪 散擲明珠安有價
無錢多買
膳脂只愁初製
夏侯衣 茜裙裁剪未
簾外杏花飛

前調

壽姜綺李

五月榴花開似錦
一尊長對花前看
看又值杖鄉年
蟠溪多壽考
綺里本神仙 雖則東方能玩世
無須金馬門邊君身何事不堪傳
吟來忘歲月筆下有雲烟

前調

田公子二十生日

海上青騰看負角
丹山鳳翮初成
男兒二十建修名
陸

機剛作賦方朔正談兵 自愧蹉跎多去日羨君先請
長纓南箕不用詠三星錦筵香薤發官閣早梅生

前調

賀徐公佑
明府舉子

客舍燈花開似錦寒屏有夢惟魚新來喜得弄麈書藍
田秋產玉碧海夜生珠 繡祿畫幰初試浴遙看紫氣
充閭君家原有舊鷓鴣他時湯餅會啼聽是何如

前調

祝蔣文
甫壽

浴下久無同甲會試看江左耆英年來七十誦黃庭孫

芝千朶艷兒竹萬條青
怪道探書多綠字閒堂代有
傳經桃花染得綵衣成杜陵誰最好吾愛蔣元卿

糖多令

詠窩絲糖
有序

梁尚書上元席上出窩絲糖供客云是崇禎末宮中
所製外間無此也西山靜室有老宮人為比丘尼尚
能製此糖每上元節必餉以銀椀合子其製如扁蛋
外光而面有二凹嚼之粉碎散落皆成絲尚書乃唱
糖多令詞命予和之

擣盡笛頭泥春蠶已蛻衣片飭畏作彈丸兒不破彌羅
三寸繭誰解道一窩絲 粧妝漢宮遺餼餽久未施開
元宮女尚能為今日尚書花餃會銀椀合使人思

菩薩蠻

題蔡天聲桃花
流水圖記年

溪流雨過增新漲春山處處桃花放中有武陵人花前
一問津 幅巾裁白氎坐聽溪流咽寫入畫圖中桃花

映面紅

前調

淮上閩牛吏娶姬
作詞索和原韻

釵頭勝字裁方幅定情彈作鶯蘿曲聞道薛家來燈花
夜自開 清淮一別久誰解雙手佛日會摩多香山
老去何

二

買金欲鑄鴟夷像頻年憶汝江湖上何處採名花西施
不及他 白頭吟自在詩寄錢刀外恰似遇桓伊聽歌
輒喚時

前調

索贈
有序

客上海數月歌妓玉烟者又名玉媽解佐酒日日在
坐張南士有贈妓詞妓甚愛之因索及予時晚春新
月生剛作伎罷遂出便面書去其詞後閱各隱玉烟

玉媽字

雲鬟綰就青鴉小春山畫得雙蛾巧衣翦杏黃羅紅牙
試按歌 錦屏香作霧慢把金樽度玉煖起烟絲申江
春去時

榴裙綉褶花千綫地衣紅襯弓鞋軟銀箭下來遲當筵
舞柘枝 玉櫛華螭裏新月朧朧起何處最嫣然花前
一笑間

行香子

即事

晚色烟和鳥散庭柯聽街頭擊鼓吹螺酒闌送客夜火
星羅幡幢引處看蝶演似鶯梭 法輪常轉五方何處
現維摩試問禪那作天魔舞于意云何香壇行過隨嘯
咏且娉娉

蝶戀花

客上海過楊生
玉衡聽妓作

寂寂暮春楊子宅昔在烏聊今在申江側座上綵雲迴
錦席門前幾樹桃花色乍雨乍收欄溜滴坐擁雙鬟
為我彈瑤瑟醉後倚歌還弄笛醒來微月當牕白

鵲橋仙

即事
有序

邑甲聘戊女有彊委禽者明府姚公斷歸甲合卺訟
庭其斷詞駢麗世多稱之既而訟者爭不徹太守何
公復斷歸甲時予方從兩公游兩公並命予為詞紀

其事

東林先訂西家願宿何事穿墉穿瓦縱教彊委後來禽
却不道子南夫也 明府風流使君瀟灑兩斷可妻公
冶莫言河漢鵲橋乖看合浦在訟庭之下

天仙子

賀生子

韋氏雙珠真可喜芝蘭欲在堦庭耳春園况值有鶯遷
人道是天仙子曾見宣尼抱送此 里號高陽從此始
鳳毛麟角紛紛起我來正值浴蘭時看取磧金盤裏半

是桃花半雪水

青玉案

山陰金母隨夫宦南海三藩之亂與夫子並相隔派離數郡百折不詘暨轉徙

歸里已五十矣其子乞予文為壽予不能應書此詞卷間

東揚不用占星婺是家有真賢孺曾隔兵戈遙海路合
州城外雷陽驛畔多少仳離處 千山萬水歸來暮看
膝下人如樹但得朱顏能久駐蟠桃花發蓬萊水淺誰
道流年度

喜遷鶯

荷風乍煖恰紅版橋頭驪駒唱緩待詔公孫彈琴司馬
挾策爭游上苑萬里鵬飛在望着翠幕傳金璣况前路
有漳臺花柳酈亭絲管迤邐攬轡處大道秋光不覺
長安遠丞相延來通侯載去戶外車常滿他日玉堂堪
繼喜大小皆賢阮裝衣待來年紅杏為君裁剪

前調

寄贈陶燕公移居奉和
何毅庵張遜可原唱韻

隔江人遠一別幾何年鬢毛都換但卜柴桑難尋句曲
到處堪留堪戀衣上黃塵不落望壠首浮雲變猶相憶

在廬江舊第片泥橋畔 可念書畫室半榻琴簫幾樹
花零亂人寄南牕詩傳北郭莫道未還東苑我亦西冷
借住須有日烟霞結伴隣居好看牆頭過酒那時相見

百字令

客滬上為王
鴻資初度

秋風乍起桂花時又是東亭初度四十年來彈指頃閱
歷山川無數倚馬成文磨盾草檄殺盡中山免侯王以
下一時趨走如鶩 誰道梁苑歸來故人官滬上歡然
相聚有弟同行勝小陸共作平臺詞賦弧矢高懸長庚

何在遙指星明處壯心未已莫言歲月遲暮

前調

寄壽施愚山
少叅六十

林花初放捧霞觴遙望敬亭山色繞地球繩箕宿轉光
滿謝公樓側闕里遺賢石渠繼世曾講諸儒易廿年節
度一身高寄如客 督學齊魯之間湖西作鎮到處稱
申伯天下山川游覽遍無數文章堆積前遇吳關今過
甌海千里長相憶纔週甲子為君重數疇昔

綺羅香

用原韻答贈甬
上錢塾庵見贈

古鄖名家彭城遺胄所至公超成市文傲元和詩以景
龍為體論學識雅似顓孫羨經術精于揚起第無如棄
世逃名竄身長向瞿曇裏君家歷世仕宦况祖禰忠
孝名傳黃紙每輯殘編尚見淚痕如此尋歡會偶在中
江嘆孤游有如樗里又誰知廿載相思見君自此始

萬年枝

梁司農師
六十續娶

臘盡春還御河水未泮苑枝如沐柳又生稊雙雉朝飛
遶遶花甲週時花燭啟寶帳粧成百福由來原有尚書

三娶東山名族 萬年觴卜道從此天長地久鸞弦終
續華茵披來副髮有珈皆玉池上歌添黃竹好探去金
桃再熟那撩人笑桃花洞裏劉郎初宿

西河集卷一百三十五